
Title	Ibu
Author(s)	Muhammad Ariff bin Ahmad

Copyright © 1954 Muhammad Ariff bin Ahmad

I B U *

Ibu itu wanita utama
jasanya besar lagi ternama
anak dibela dengan percuma
lelaki perempuan kasihnya sama;

dari bayi setapak tangan
anak ditatang julang-julangan
dibimbing diasuh penuh kesayangan
dididik pula tidak berkurangan;

makan pakai disediakan
sakit pening diubatkan
sedih sugul dihiburkan
kejayaan anak didoakan;

bila anak sudah berjaya
hidup mewah aman bahagia
ibu jangan disia-sia
balaslah budinya sedaya upaya...

Anak mesti membalas jasa
kasihilah ibu setiap masa
susah senang sama dirasa
belalah ibu seberapa kuasa!

Mas

Khamis, 14 Oktober

* disalurkan ke Bahasa Negaraku [6]. 1962